

**UDRUŽENJE SUDIJA I INSTRUKTORA  
ZENIČKO – DOBOJSKOG KANTONA**

**STATUT**

**Udruženja nogometnih sudija i instruktora  
Zeničko -dobojskog kantona**

Zenica, 20.juni 2016.godine

Na osnovu člana 12. i 14. Zakona o udruženjima i fondacijama ("Službene novine Federacija BiH" broj 45/02) Skupština Udruženja nogometnih sudija i instruktora ZDK na sjednici održanoj 20.06.2016. godine donijela je:

## **STATUT**

Udruženja nogometnih sudija i instruktora ZE-DO kantona

### **OSNOVNE ODREDBE**

#### Član 1.

Udruženje nogometnih sudija i instruktora ZE-DO kantona (u daljnjem tekstu: Udruženje) sačinjavaju sudije i instruktori općina koje sačinjavaju ZE-DO kanton i djeluju u ostvarivanju interesa za potrebe nogometnog sporta na području ZE-DO kantona.

#### Član 2.

Udruženje je član NS ZE-DO, gdje ga predstavlja Predsjednik Udruženja nogometnih sudija i instruktora ZE-DO kantona.

#### Član 3.

Osnovno načelo djelovanja Udruženja je dogovaranje i sporazumijevanje, na principima međusobnog uvažavanja, samostalnosti u opredjeljenju na pojedine odluke, sa pravom na izdvojeno mišljenje i potpunu slobodu istog.

#### Član 4.

Rad Udruženja zasniva se na amaterskim i stručnim aktivnostima nogometnih sudija i instruktora i predstavlja stručni kadar potreban za opsluživanje nogometne organizacije.

### **Naziv, sjedište i obilježja**

#### Član 5.

Naziv Udruženja je „Udruženje nogometnih sudija i instruktora ZE-DO kantona“, a skraćeni naziv je UNS i I ZDK. Udruženje je osnovano maj 2013.godine.

#### Član 6.

Sjedište Udruženja je u Zenici, Ulica Zukići broj 22. Područje djelovanja je NS ZDK.

## Član 7.

Pečat Udruženja je okruglog oblika, u sredini sa likom nogometne lopte i pištaljke i sa natpisom oko vanjskih ivica kruga Udruženje nogometnih sudija i instruktora ZE-DO kantona Zenica.

Štambilj Udruženja je pravougaonog oblika sa nazivom Udruženja, brojem protokola i datumom.

Znak Udruženja sadrži sliku nogometne lopte, pištaljke i grb ZE-DO Kantona sa natpisom Udruženje nogometnih sudija i instruktora ZE-DO kantona Zenica.

Udruženje nogometnih sudija i instruktora ZE-DO kantona ima svojstvo pravnog lica sa pravima, obavezama i odgovornostima utvrđenim Zakonom i ovim Statutom.

Udruženje ima svoj vlastiti transakcijski račun i pečat.

Udruženje se upisuje u registar udruženja kod nadležnog ministarstva ZE-DO kantona.

Službeni jezici Udruženja su utvrđeni Ustavom Federacije BiH, uz upotrebu latiničnog i ćirilskog pisma.

Udruženje ima sljedeće dužnosti:

- a) da djeluje u skladu sa Zakonom o udruženjima i fondacijama u FBiH
- b) da u potpunosti poštuje Statut, propise, direktive i odluke tijela NS ZDK
- c) da plaća članarinu i druge naknade kako to definira NS ZDK
- d) poštovati principe lojalnosti, integriteta i sportskog duha u skladu sa duhom fair-play
- e) da se pridržavaju važećih Pravila igre kako ih je objavio IFAB, kao i Pravila igre za mali nogomet koja je objavio IFAB;
- f) da izvršno tijelo bude slobodno izabrano, te da druga statutarna tijela budu birana ili imenovana na potpuno nezavistan način, bez uticaja trećih lica;
- g) da održi izbornu Skupštinu u istoj godini kad i NS ZDK;
- h) da osigura da je mandat predsjednika maksimalno četiri godine;
- i) da poštuje i unapređuje jedinstvo NS ZDK, NS FBH i NS/FS BH.
- j) da se u potpunosti pridržava svih drugih dužnosti koje proizilaze iz Statuta NS ZDK i drugih propisa.

Udruženje saraduje sa NS ZDK, NS FBiH i N/FS BiH, kao i sa ostalim sportskim udruženjima u cilju razvoja unapređenja nogometa i fair-play.

### **Neutralnost i nediskriminacija**

## Član 8.

Udruženje je neutralno u političkim i vjerskim pitanjima.

Diskriminacija bilo koje vrste protiv neke zemlje, privatnog lica ili grupe ljudi, na osnovu etničkog porijekla, spola, jezika, politike ili bilo kog drugog razloga, strogo je zabranjena i može se sankcionisati suspenzijom, isključenjem ili drugim disciplinskim mjerama.

## **Pravila nogometne igre**

### Član 9.

1. Udruženje i svaki njegov član obavljaju službenu dužnost na nogometnim utakmicama u skladu sa Pravilima igre koje je izdao IFAB ili sa Pravilima igre za mali nogomet koje je izdao Izvršni komitet FIFA-e.
2. IFAB ili Izvršni komitet FIFA-e mogu samo propisati ili izmijeniti odgovarajuća Pravila nogometne igre.

Ciljevi, zadaci i djelatnost Udruženja

### Član 10.

Ciljevi Udruženja:

1. da organizuje suđenje i edukaciju kadrova;
2. razvija prijateljske odnose sa kantonalnim sudijskim udruženjima, saraduje sa Nogometnim savezom ZDK i preko njih sa Nogometnim Savezom Federacije Bosne i Hercegovine i Nogometnim/fudbalskim Savezom Bosne i Hercegovine.
3. Udruženje kontroliše poštivanje i primjenu Pravila nogometne igre koje je donio Međunarodni nogometni Bord
4. organizuje seminare i predavanja, prati, unapređuje stručni razvoj i omasovljavanja sudijskog kadra, a u klubovima organizuje predavanja iz PNI,
5. sprječava unošenje bilo kakvih nepravilnosti u djelatnosti kojim se bavi
6. zastupa i štiti interese svih članova Udruženja,
7. omogućava svim članovima Udruženja jednak tretman u suđenju i napredovanju u skladu sa Pravilnikom o sudijama i suđenju NS/FS BH,
8. omogućava svim članovima Udruženja da biraju i da budu birani u organe Udruženja,
9. da štiti i poštuje prava i interese svojih članova,
10. da poštuje principe lojalnosti, integriteta i sportskog duha u skladu sa principima fair play-a,
11. da osigurava izvore novčanih sredstava za rad Udruženja, a Udruženje svoju djelatnost ne smije obavljati radi sticanja dobiti. Ako u obavljanju svoje djelatnosti Udruženje ostvari dobit, ona se mora koristiti isključivo za obavljanje i unapređenje djelatnosti Udruženja kojima se ostvaruju ciljevi Udruženja.

## **ČLANSTVO**

### Član 11.

Udruženje sačinjavaju sve nogometne sudije i instruktori suđenja sa područja ZE-DO kantona, koje se nalaze na listama sudija i posmatrača sudjenja na raznim stepenima takmičenja, te nerasporedjeni instruktori, a svi dobrovoljno učlanjeni u Udruženje. Članom se smatraju svi oni koji su izmirili svoje obaveze prema Udruženju, u skladu sa odlukama IO Udruženja.

Poštujući teritorijalnu zastupljenost članstva Udruženja, formiraju se sekcije sudija i instruktora: Centar, Sjever i Jug.

Sekciju Sjever sačinjavaju općine Doboj-Jug, Maglaj, Tešanj, Usora, Zavidovići i Žepče.

Sekciju Centar sačinjavaju općina Zenica

Sekciju Jug sačinjavaju: općine Breza, Kakanj, Olovo, Vareš i Visoko.

U daljem tekstu Statuta, koriste se termini za članstvo Sjever, Centar i Jug.

## **Prijem u članstvo**

### Član 12.

Članovi Udruženja mogu postati lica koja imaju položen ispit za nogometnog sudiju i koji su stekli zvanje instruktor -kontrolor.

Članstvo prestaje svojevolumnim istupanjem, pismenom izjavom da prestaje biti članom ili isključenjem iz Udruženja.

Članstvo u Udruženju je dobrovoljno.

Počasni članovi se imenuju po odluci Skupštine na prijedlog Izvršnog odbora.

## **Prava i dužnosti**

### Član 13.

Prava i dužnosti članova Udruženja su:

- Biraju i budu izabrani u organe i tijela Udruženja;
- Raspravljaju na sastancima o radu Udruženja i daju prijedloge za rješavanje određenih pitanja uz jasnu i nedvojbenu argumentaciju;
- Iznose mišljenja i stavove o radu Udruženja na način koji uvažava i nevrjeđa druge;
- Učestvuju u donošenju odluka Udruženja, njegovih organa i tijela;
- Budu obavješteni o radu organa i tijela Udruženja;
- Izvršavaju usvojene odluke i zaključke organa Udruženja;
- Izvršavaju dogovorene odluke prema Udruženju;
- Pridržavaju se Statuta i drugih akata Udruženja;
- Poštuju kodeks ponašanja sudija i instruktora;
- Čuvaju lik sudije i instruktora kroz uzoran lični život;
- Koriste beneficije koje proističu iz članstva u Udruženju;
- Redovno plaćaju članarinu koju utvrdi Udruženje;
- Član Udruženja je obavezan po odluci IO Udruženja dati pisano izjašnjenje IO Udruženja za eventualni disciplinski prestup i kršenje kodeksa ponašanja.

Ostvarivanje ovih prava podliježe odredbama Statuta i važećih propisa.

Članovi imaju sljedeće dužnosti:

- da u potpunosti i uvijek poštuju Statut, propise, direktive i odluke tijela Udruženja, NS ZDK, NS FBiH i N/FS BiH.
- da plaćaju članarinu i druge naknade, kako to definiraju Izvršni odbor Udruženja, NS ZDK, NS FBiH i N/FS BiH.
- da u potpunosti i uvijek poštuju Statut, propise, direktive i odluke tijela Udruženja, NS ZDK, NS FBiH i N/FS BiH.
- da plaćaju članarinu i druge naknade, kako to definiraju Izvršni odbor Udruženja, NS ZDK, NS FBiH i N/FS BiH.

Članovi Udruženja moraju:

- da se pridržavaju principa lojalnosti, integriteta, sportskog duha u skladu sa duhom fair play-a;
- da poštuju principe neutralnosti i nediskriminacije u političkim i vjerskim pitanjima, u skladu sa članom 9. ovog Statua;
- da se pridržava važećih pravila igre, kako ih je objavio IFAB kao i Pravila igre za mali nogomet koji je objavio Izvršni odbor FIFA-e;

Članovi se obavezuju da će poštovati i unapređivati interes i cjelovitost Udruženja i NS ZDK.

Da održavaju redovnu Skupštinu jednom godišnje.

Da održavaju izbornu Skupštinu u istoj godini kada i NS ZDK, a najkasnije 30 dana prije datuma izborne Skupštine NS ZDK.

Udruženje će blisko sarađivati sa NS ZDK, NS FBiH i N/FS BiH u cilju razvoja i unapređenja nogometa na svim nivoima, kao i na organizaciji takmičenja na svim nivoima.

Ako bilo koji član prekrši gore navedene dužnosti, to može dovesti do sankcija predviđenih ovim Statutom. Nadležna pravna tijela NS ZDK, NS FBiH i N/FS BiH mogu izreći daljnje sankcije.

### **Počasni predsjednik i počasni član**

#### Član 14.

Na prijedlog Izvršnog odbora Skupština može dodijeliti status počasnog Predsjednika ili počasnog člana. Taj status dodjeljuje se za posebne zasluge u nogometu. Počasni predsjednici i počasni članovi mogu prisustvovati Skupštini u savjetodavnom svojstvu, ali nemaju pravo glasa.

## ORGANI UDRUŽENJA

### Član 15.

Organi Udruženja su:

1. Skupština (zakonodavni organ),
2. Izvršni odbor (izvršni organ),
3. Stalne komisije,
4. Nadzorni odbor.

Uslovi za status člana organa ili tijela UNS i I ZDK status člana organa ili tijela UNS i I ZDK

### Član 16.

Da bi postao kandidat za neki statutarni organ ili tijelo u UNSIZDK i NSZDK, ta osoba mora ispunjavati kumulativno uslove i to:

- a) biti aktivan član u Udruženja nogometnih sudija i instruktora
- b) biti državljanin Bosne i Hercegovine
- c) imati prebivalište u Bosni i Hercegovini
- d) priložiti biografiju (CV), koja sadrži informacije o obrazovanju, profesionalnim iskustvima i aktivnostima u nogometnoj organizaciji
- e) podnijeti dokaz da nema izrečenu disciplinsku sankciju od strane disciplinskih organa NSZDK, NSFBiH i N/FSBiH ili od nekog od njihovih statutaranih članova, odnosno da se ne vodi u registru disciplinskih kazni izrečenih za povrede propisa za slijedeće disciplinske kazne:
  - zabrana vršenja funkcije u periodu dužem od tri (3) mjeseca;
  - smjenjivanje rukovodstva, isključenje iz kluba ili isključenje iz nogometne organizacije;
  - izrečena disciplinska sankcija mora biti potvrđena od strane Disciplinske komisije NSZDK, NSFBiH i N/FSBiH ili od nekog od njihovih statutaranih članova
- f) da nije pravosnažno krivično osuđivan i da se ne vodi u registru osuđivanih lica, zbog krivičnog djela učinjenog s umišljajem, za koje mu je izrečena kazna zatvora na tri (3) mjeseca i više
- g) da nije pravosnažno krivično osuđivan i da se ne vodi u registru osuđivanih lica zbog krivičnog djela iz oblasti sporta, bez obzira na vrstu krivične sankcije,
- h) da je predložen od strane sekcije iz koje dolazi tj.kojoj pripada.

Ako osoba tokom svog mandata u UNSIZDK prestane ispunjavati jedan od gore navedenih uvjeta, on odmah gubi status člana organa ili tijela Udruženja.

### Član 17.

Članovi organa biraju se na 4 (četiri) godine uz mogućnost ponovnog izbora i to najviše dva mandata unutar svih organa Udruženja.

Član organa Udruženja koji je izabran može biti i ranije opozvan od strane Udruženja ukoliko je njegov rad u suprotnosti odredbama Statuta Udruženja nije u interesu Udruženja. Izabrani član u organe može podnijeti ostavku.

Opozivom ili prihvatanjem ostavke prestaje mu članstvo u organima.

## **SKUPŠTINA**

### **Član 18.**

1. Skupština je najviši organ upravljanja i odlučivanja u Udruženju.
2. Skupština može zasjedati kao redovna i vanredna.
3. Redovna Skupština zasjeda jednom godišnje, najkasnije u roku od tri mjeseca po isteku fiskalne godine.
4. Redovna izborna Skupština zasjeda svake četiri godine.

## **ČLANOVI SKUPŠTINE**

### **Član 19**

Skupština se sastoji od 25 delegata, nogometnih sudija, instruktora i kontrolora posmatrača predloženih iz svih kategorija (Savezne sudije, Federalne sudije, Kantonalne sudije, ostale sudije kao i članovi delegati sa zvanjem instruktora) iz sredina srazmjerno broju aktivnih članova.

Poštujući teritorijalnu zastupljenost članstva, delegate u Skupštinu predlažu:

12 delegata sekcija Centar

7 delegata sekcija Sjever

6 delegata sekcija Jug

Mandat delgata u Skupštini traje 4 godine i počinje od dana verifikacije njihovopštini traje 4 godine i počinje od dana verifikacije njihovog mandata u Skupštini, a ističe danom verifikacije mandata članova Skupštine sljedećeg saziva.

Sljedeće osobe se pozivaju da prisustvuju Skupštini:

-Delegati

-Članovi Izvršnog odobra Udruženja,

-Počasni Predsjednik i počasni članovi,

-Predsjednik, Dopredsjednik i sekretar Udruženja,

-Predsjednik i generalni sekretar NS ZDK

-Drugi gosti koje pozove Izvršni odobr saveza.

Samo delegati imaju pravo glasa na Skupštini Udruženja. Sve druge osobe koje prisustvuju Skupštini nemaju pravo glasa.

## **SAZIVANJE I RUKOVOĐENJE SKUPŠTINE**

### **Član 20.**

Osnivačku Skupštinu saziva Incijativni odbor za formiranje Udruženja Nogometnih sudija i instruktora ZDK, a sjednicom predsjedava Predsjednik incijativnog odbora.

Odluku o sazivanju redovne sjednice Skupštine donosi Izvršni odbor Udruženja na svoju incijativu ili na incijativu 2/3 članova Udruženja, a saziva Predsjednik Skupštine. Izvršni odbor utvrđuje dnevni red sjednice.



Poziv za održavanje Skupštine sa prijedlogom dnevnog reda, vremenom i mjestom održavanja sekretar upućuje delegatima Skupštine, najkasnije u roku od 10 dana prije održavanja Skupštine.

Poziv za održavanje Skupštine sa prijedlogom dnevnog reda, materijalima, vremenom i mjestom održavanja, Sekretar Udruženja upućuje delegatima Skupštine, najkasnije u roku od 8 dana prije održavanja Skupštine.

Odluku o sazivanju vanredne sjednice donosi Izvršni odbor, a saziva je predsjednik Skupštine i ukoliko istu zatraži 2/3 delegata Skupštine u roku od 30 dana.

Poziv na Skupštinu i njezin dnevni red, Sekretar Udruženja mora dostaviti pismenim ili elektronskim putem delegatima Skupštine u roku od osam dana.

Dnevni red vanredne skupštine ne može se mijenjati.

### **Kvorum prisustva Skupštini**

#### Član 21.

Skupština zasjeda pravovaljano i ima kvorum ako je prisutno . delegata od ukupnog broja delegata Skupštine i odlučuje većinom od ukupnog broja delegata.

U slučaju da nije postignut kvorum, Skupština zasjeda po istom dnevnom redu najkasnije za 15 dana, kada je dovoljan kvorum apsolutna većina (50%+1) svih delegata.

### **Izbor i glasanje**

#### Član 22.

1. Izbor se vrši tajnim glasanjem
2. Druge odluke donose se aklamacijom, ukoliko Skupština ne odluči drugačije
3. Nije dopušteno davanje punomoći za glasanje
4. Skupština bira 7 članova Izvršnog odbora, među kojima Predsjednika i Dopredsjednika Udruženja, kao i organe Udruženja.
5. Skupština bira delegate za Skupštinu NSZDK za mandat od četiri godine
6. Predloženi kandidati biraju se apsolutnom većinom svih delegata Skupštine
7. Ukoliko u prvom krugu kandidati ne dobiju dovoljan broj glasova u drugome krugu glasanja potrebna je relativna većina (većina od prisutnih delegata). Izabrani su oni kandidati koji dobiju veći broj glasova.

### **Nadležnosti Skupštine**

#### Član 23.

Skupština ima sljedeće nadležnosti:

- usvaja, mijenja i dopujava dnevni red,

- bira dva delegata kao ovjerivače zapisnika,
- donosi Statut Udruženja, kao i njegove izmjene i dopune,
- donosi Poslovnik o radu Skupštine, kao i izmjene i dopune Poslovnika,
- bira i razrješava Predsjednika i Dopredsjednika Udruženja,
- bira i razrješava članove IO Udruženja,
- verificira delegate Skupštine,
- usvaja plan prihoda i rashoda Udruženja za tekuću godinu,
- razmatra i usvaja izvještaj o finansijskom poslovanju Udruženja,
- razmatra i usvaja izvještaj o radu Izvršnog odobra,
- bira po potrebi radna tijela Skupštine (odbor za glasanje, komisija za verifikaciju).
- dodjeljuje počasno članstvo,
- razmatra i donosi odluke po drugim pitanjima Udruženja
- isključuje članove Udruženja,
- vrši izbor delegata u Skupštinu NSZDK.

Sve potrebne materijalne, po pitanjima kojima su u nadležnosti Skupštine Udruženja, priprema Izvršni odbor Udruženja.

#### Član 24.

Skupština ima Predsjednika i Dopredsjednika koji se biraju iz članova delegata skupštine, a isti ne mogu biti članovi Izvršnog odobra. Mandat Predsjednika i Dopredsjednika traje 4 godine, a njihov izbor se vrši tajnim glasanjem.

Na osnivačkoj Skupštini se bira Predsjednik i Dopredsjednik Skupštine na prijedlog Incijativnog odbora. Kandidat koji dobije veći broj glasova izabran je za Predsjednika Skupštine. Drugi kandidat koji osvoji manji broj glasova izabran je za Dopredsjednika Skupštine

Na redovnoj Skupštini kandidata za Predsjednika i Dopredsjednika Skupštine, predlažu sekcije, a konačnu listu prijedloga sačinjava Izvršni odbor Udruženja.

Kandidat za Predsjednika i Dopredsjednika Skupštine potvrđuju volju za prihvatanje funkcije pred Skupštinom Udruženja.

U slučaju sprječivosti i odsutnosti Predsjednika zamjenjuje ga Dopredsjednik.

### **Zapisnik**

#### Član 25.

Sekretar Udruženja odgovoran je za vođenje zapisnika na sjednici Skupštine.

Zapisnik sa održane sjednice Skupštine potpisuju ovjerivači zapisnika u roku od dvije sedmice od održane sjednice Skupštine. Zapisnik se potom dostavlja članovima Skupštine u roku od 30 dana od sjednice Skupštine. Ako Sekretarijat ne primi nikakav prigovor u roku od dvije sedmice nakon dostave zapisnika, zapisnik se smatra prihvaćenim.

## **Izvršni odbor**

### Član 26.

#### Struktura, sastav

Izvršni odbor je izvršno tijelo Udruženja.

Izvršni odbor se sastoji od 7 članova, među kojima su Predsjednik i Dopredsjednik.

Članove Izvršnog odbora predlažu se iz redova članstva sa područja svog djelovanja sekcija Sjever, Centar i Jug srazmjerno broju aktivnih članova, poštujući i teritorijalnu zastupljenost članstva. Konačnu listu prijedloga utvrđuje Inicijativni odbor za osnivačku Skupštinu, a za redovnu Izbornu Skupštinu, Izvršni odbor.

Izvršni odbor Udruženja se sastoji od 3 člana iz Centra, 2 člana iz Juga i 2 člana iz Sjevera.

Svaki kandidat za člana Izvršnog odbora potvrđuje volju za prihvatanje funkcije člana ovog tijela pred Skupštinom Udruženja.

Sekretar prisustvuje sjednicama Izvršnog odbora.

Mandat Predsjednika i Dopredsjednika traje četiri godine.

Kandidature, mandat i zamjena

### Član 27.

Mandat članova Izvršnog odbora traje četiri godine.

Svaki član Izvršnog odbora može biti ponovno izabran.

Članovi Izvršnog odbora ne mogu biti članovi Skupštine Udruženja.

## **Nadležnosti Izvršnog odbora**

### Član 28.

Izvršni odbor ima sljedeća prava i dužnosti:

- priprema sjednice Skupštine,
- priprema i predlaže nacrt izmjena statuta i drugih akata Udruženja koje donosi skupština,
- imenuje i razrješava dužnosti sekretara Udruženja
- donosi poslovnik o radu Izvršnog odbora i njegovih organa,
- predlaže programe razvoja i unapređenja sudijskog kadra,
- usvaja program rada najkasnije do 25.12.tekuće godine za narednu godinu i godišnji izvještaj o radu organa/komisija do 20.01.tekuće godine za prethodnu godinu,
- podnosi finansijski plan i godišnji obračun prihoda i rashoda Udruženja,
- donosi odluke o finansijskim isplatama na teret Udruženja,
- utvrđuje liste sudija i delegata/kontrolora za takmičenje i predlaže ih da se prihvate od strane organa nogometnog saveza,
- provodi politiku, zaključke i druge odluke koje je donijela Skupština, koje će dužnosti obavljati privremeno do prvog saziva Skupštine.

- imenuje sastav stalnih komisija.
- provodi postupak pokretanja i rješavanja disciplinskog postupka za članove Udruženja koji su prekršili kodeks ponašanja

## **Predsjednik Udruženja**

### Član 29.

Predsjednik Izvršnog odbora je istovremeno i Predsjednik Udruženja.

Predsjednik Udruženja predstavlja Udruženje i postupa u ime Udruženja.

Skupština Udruženja bira Predsjednika i Dopredsjednika Udruženja.

Mandat Predsjednika i Dopredsjednika traje 4 godine, a njihov izbor se vrši tajnim glasanjem.

Na osnivačkoj skupštini Udruženja Predsjednik i Dopredsjednik se biraju na prijedlog Inicijativnog odbora.

Na redovnoj Skupštini Udruženja kandidate za Predsjednika i Dopredsjednika

Udruženja predlažu sekcije, a konačnu listu prijedloga sačinjava Izvršni odbor Udruženja.

Kandidat koji dobije više glasova izabran je za Predsjednika Udruženja.

Drugi kandidat koji osvoji manji broj glasova izabran je za Dopredsjednika Udruženja.

Kandidati za Predsjednika i Dopredsjednika Udruženja potvrđuju voljom za prihvatanje funkcije pred Skupštinom Udruženja.

Predsjednik Udruženja u okviru svojih prava i odgovornosti :

-predstavlja i zastupa Udruženje ili daje ovlaštenje pojedincu da predstavlja odnosno zastupa Udruženje;

-saziva i predsjedava sjednicom Izvršnog odbora;

-predlaže dnevni red za sjednice Izvršnog odbora;

-stara se o izvršenju odluka i zaključaka Skupštine i Izvršnog odbora;

-koordinira i usklađuje rad organa Udruženja; koordinira i usklađuje rad organa Udruženja;

-ostvaruje saradnju sa drugim udruženjima i NS ZDK;

-potpisuje odluke koje donosi Izvršni odbor i vrši druge poslove koje mu se povjere.

-stara se o potpunoj primjeni odredbi važećeg Statuta Udruženja te pokreće inicijativu za dopunu istih po potrebi i odluci IO.

U slučaju spriječenosti i odsutnosti Predsjednika zamjenjuje ga Dopredsjednik.

### Član 30.

Izvršni odbor u okviru svoje djelatnosti formira svoje stalne komisije, i u interesu što efikasnijeg rada Udruženja.

Stalne komisije :

1. Komisija za sudije i sudijska pitanja
2. Finansijsko materijalna komisija
3. Komisija za delegiranje (komesar)
4. Komisija za mentor program.

## 5. Komisija za propise i informisanje

Izvršni odbor će imenovati članove komisija.

### Član 31.

Stalne komisije Izvršnog odbora sastoje se od po tri člana, osim Komisije za sudije i sudijska pitanja, Komisije za mentor program koje broje po pet članova i koju na prijedlog Izvršnog odbora verificuje NS ZDK.

Mandat svih komisija je 4 (četiri) godine sa mogućnošću ponovnog izbora a njihova prava i obaveze regulisane su Pravilnikom o radu organa i izvršnih tijela.

Komisije imaju obavezu da izrade plan i program rada komisija do 20.12.tekuće godine za narednu godinu sa pregledom finansijskih potreba za realizaciju istih i dostave na odobrenje IO Udruženja do 25.12.tekuće godine za narednu godinu.

### Član 32.

Komisije odlučuju većinom glasova od ukupnog broja članova.

Nadzorni odbor

### Član 33.

Nadzorni odbor sačinjava tri člana koji nisu iz redova članova Skupštine niti drugih organa Udruženja. Mandat članova Nadzornog odbora traje 4 (četiri) godine.

### Član 34.

Nadzorni odbor kontrolira rad organa Udruženja, materijalno finansijsko poslovanje Udruženja o čemu podnosi pismeni izvještaj Skupštini.

Predsjednik nadzornog odbora saziva sjednicu na zahtjev jednog člana Udruženja, Izvršnog odbora i Predsjednika Udruženja.

## **Sekretar**

### Član 35.

Udruženje ima svoga sekretara koji se također bira na 4 (četiri) godine uz mogućnost novog izbora. Ukoliko blagovremeno ne bi se mogao izvršiti izbor sekretara, može se izvršiti imenovanje izvršioca dužnosti najduže do 6 mjeseci.

## Član 36.

Sekretar ima prava i obaveze koje se sastoje u sljedećem :

- Izvršava odluke i zaključke Skupštine i Izvršnog odbora Udruženja i koordinira rad sa svim organima Udruženja;
- Priprema i izvršava poslove i neposredne zadatke za rad Skupštine i Izvršnog odbora Udruženja;
- Ostvaruje saradnju sa organima nogometne organizacije, NS ZDK, NS FBiH i N/FS BiH po ovlaštenju Predsjednika zastupa Udruženje;
- Sačinjava i vodi zapisnike Skupštine, Izvršnog odbora i informiše članstvo o događajima koji se dešavaju;
- Vrši i druge poslove i zadatke od interesa za rad Udruženja.
- Odgovoran je za rad i inventar kancelarije Udruženja,
- Izvršava administrativne poslove za potrebe Udruženja.

## **FINANSIRANJE UDRUŽENJA**

### Član 37.

Udruženje se finansira :

- iz dijela prikupljene članarine Udruženja
- Od donatorstva, poklona i drugih vidova mogućih finansiranja.

Raspoređivanje sredstava vrši se po finansijskom planu a konačna raspodjela godišnjim obračunom.

Udruženje angažuje certificiranog knjigovođu za vođenje i predaju finansijske dokumentacije uz nadoknadu u skladu sa važećim zakonima.

Predsjednik IO, lice koje ga mijenja i predsjednik Komisije za materijalno-finansijsko poslovanje po potrebi saraduje i kontaktira sa odabranim knjigovođom.

### Član 38.

O raspolaganju sredstvima Udruženja odlučuje Izvršni odbor a za zakonitost korištenja sredstava odgovara Predsjednik Udruženja.

Materijalno-finansijsko poslovanje Udruženja vršiti u skladu sa važećim zakonima, odlukama IO Udruženja i prema usvojenom pravilniku o materijalno-finansijskom poslovanju Udruženja.

## **ZABRANA UDRUŽIVANJA**

### Član 39.

Statut i pravilnik Udruženja prethodno moraju dobiti saglasnost Izvršnog odbora NS ZDK.

Udruženje ne smije formirati nikakve kombinacije ili saveze bez prethodnog odobrenja Izvršnog odbora NS ZDK.

## **SPOROVI**

### **Član 40.**

Članovi Udruženja svoje sporove neće podnositi redovnim sudovima, osim ako to nije konkretno predviđeno ovim Statutom ili Statuta NSZDK i NSBIH. Sporovi koji nastanu između članova Udruženja i disciplinska odgovornost, rješava disciplinski organ NSZDK.

## **PRELAZNE I ZAVRŠNE ODREDBE**

### **Prestanak rada Udruženja**

#### **Član 41.**

Udruženje prestaje sa radom u slučajevima utvrđenim zakonom.

Lice koje zastupa Udruženje postupiće u skladu sa Zakonom.

U slučaju da nastupe okolnosti na osnovu kojih Udruženje prestaje da postoji, za odluku o raspuštanju Udruženje potrebno je 3 većina članova Skupštine Udruženja. Imovina Udruženja ne može se dijeliti.

U slučaju raspuštanja Udruženja nadzor nad imovinom Udruženja će biti povjerena NS ZDK.

### **Pitanja koja nisu obuhvaćena statutom**

#### **Član 42.**

Izvršni odbor ovlašten je da odlučuje o svim pitanjima koja nisu obuhvaćena ovim Statutom ili u slučajevima više sile. On odlučuje u skladu sa pravom i pravdom.

### **Važeći zakoni**

#### **Član 43.**

U svim slučajevima kada je to potrebno, pored ovog Statuta, Statua NS ZDK, Statuta NS F BiH i Statua N/FS BiH, pravilnika, direktiva i poslovnika njihovih organa, kao i pored Statuta FIFA e i UEFA e i njihovih propisa i direktiva, kao supsidijarni propis primjenivat će se zakonodavstvo Bosne i Hercegovine.

### **Primjena i stupanje na snagu**

#### **Član 44.**

Statut stupa na snagu danom njegovog usvajanja na sjednici Skupštine Udruženja nogometnih sudija i instruktora ZDK, održanoj 20.06.2016.godine.

Zenica, 20.juni 2016.godine

Predsjednik Skupštine  
Sinanović Mehmedalija